

Бекир Чобан-заденинъ иджадында «Татарлыкъ» мевзуусы

Сейран Сулейман

«Янъы дюнъя» газетасы

Айдер Эмиров

И. Гаспринский адына

Къырымтатар джумхуриет күтюпханеси

Аньлатма. Улу къырымтатар шаири ве алими Бекир Чобан-заденинъ иджады тедкъикъатчыларның дикъкъатыны озюне джельп этмеге девам эте. Шаир озы эсерлеринде «татарлыкъ» мевзуусына буюк дикъкъат айыргъаныны, миллеттинъ адь шиирлеринде, икяе ве макъалелеринде сыкъ-сыкъ расткельгенини коремиз. Марузаның муэллифлери ишбу мевзууны огредип, Бекир Чобан-заденинъ эсерлеринден базы нумюнелерни мисаль оларакъ кетирдилер. Шубесиз, этномиден вазгечмек-миллий тарихтан вазгечмектир, бойле адым халкъның ёкъ олувина кетиреджек. Бекир Чобан-заденинъ иджадий мирасы бизге буны хатырлатмакътадыр.

Анахтар сёзлер: татарлыкъ, къырымтатар, миллет.

Тедкъикъатның актуаллиги. Эр анги халкъның озы тарихы ве озы адь бар. Миллеттинъ адь оның тарихындан, узакъ кечмишинден келип чыкъа. Соңки девирде базы адамлар ве атта айры неширлер халкъымызды озы адындан, кениш анъламда татарлыкътан вазгечмеге чагъыралар. Ич бир эсасы олмагъан бойле манасыз тешвикъатның соңу миллий фаджиагъа кетири билем.

Тедкъикъатның макъсады: Буюк шаир ве алим Бекир Чобан-заденинъ иджадында татарлыкъ мевзуусыны ачыкъламакъ.

Тедкъикъатның вазифелери:

* шаирнинъ иджадында татарлыкъ мевзуусы не къадар муим ер туткъаныны косътермек;

* шаирнинъ миллеттинъ адына даир нокътаи-назарыны огрендемек.

Миллеттинъ адь – миллеттинъ юзю, миллет кечмишининъ кузъгюсидир. Кечмишимизни огредиркен, эдебиятымыздың классиги – мешур шаир ве языджы, тильшинас-алим ве эдебиятынас Бекир Чобан-заденинъ

(1893–1937) иджадий мирасына кене ве кене мураджаат этемиз. Затен Номан Челебиджихан озы вакътында: «Буюклерини унуткъан миллет кучюлир» деп нафиле айтмагъандыр.

Бекир Чобан-заденинъ макъале ве шиирлеринини окъугъанда, музллиф миллетимизнинъ адыны эксериетте «татар» ве «къырымтатар» оларакъ къалемге алгъаныны коремиз. Мисаль ичон онынъ «Къавал сеслери» эльязма джыйынтыгъында язып къалдыргъан ишбу мешур сёзлерини кетирийик:

«Меним языларым ич бир шей косьтермесе де, къырылгъан, чай-палгъан, бельки бугунь-ярын олюп, ёкъ болуп кетеджек къырымтатарны, онынъ минлерини, дуйгъуларыны бек яхши косьтере; бир кунь келип, тарих Къырымман огърашса, къырымтатар къырымтатарны къыдырса, меним языларым ортагъа чыкъар. Эгер булаг болмаса да, зарары ёкъ. Къырымтатарнынъ бу къадар байрагъы, шаны, топрагъы гъайып болды; барсын, меним де бир къач юкъусыз геджем, думанлы, кедерли кунюм джойтылсын... Магъа бу сатырларны язгъандаки леззет, онъгъанлыкъ джетишир. Татар тили, ич кимсе айтмаса да, кене буюк, кене изгию... чонки онда меним джигит халкъымнынъ бинълердже джыллыкъ къайгъылары, къайгъылы джигит сеси бар» [1] – деп яза Бекир Чобан-заде.

Шайр миллеттинъ ады меселесине кельгенде, озы фикрини энъ ачыкъ, энъ тесирли шекильде «Татар тюгюльмен!..» дегенлерге шииринде ифаде эте. Шу шиирден бир парчаны кетирийик:

«Биз татар тюгюльмиз!» – дий бугунь дёнме,
Эльбетте, тюгюльсинъ, ай, байгъуш коле...

Сен бугунь ойталыкъ, ыргъатсынъ, чобан!
«Татарман!» – десенъ де, табылмаз инангъан...

Сенинъ бу инкярынъ къоркъудан келе...
«Мен татар тюгюльмен!» – Явропа куле...

Азгъана юрегинъ болса тек сенинъ,
Аньласанъ джигитлик не демек экенин...

Танысанъ Батыны, Дженгизни яхши,
Акъар да козълеринъ окюрли яши.

«Татарман!» – дер эдинъ, кокрегинъ тойип,
«Татарман!» – дер эдинъ озы тилинъ сюйип...

Бу шиир 1919 сенеси, яни тамам 105 йыл эвельси язылгъан эди. Эсер аля бугунъ актуаль олып къала. Татарлыкъны инкяр этмек – йигитликни, эдждатларны инкяр этмек демектир.

Бекир Чобан-заде ичон татарлыкъ Къырымның сынъырларында битмей. Онынъ назарында бу гъает кениш бир анъламдыр:

Неваий пиrimdir, кедайлар башы,
Татарджа джырлагъан бир татар джаши.
Токъайлар къардашым, бир багъча гули,
Менимки конъли, менимки тили...

Батырлыкъ баш керек, башымны сильким,
Тиль, конъюль джавына къылыджым чектим:
Согъушкъя, достларым, хакъ татар тиличон!
Согъушкъя, тувгъанлар, керчекчи эличон!

– деп яза шаир «Согъушкъя, достларым, хакъ татар тиличон!» адлы шииринде.

2012 сенеси Бекир Чобан-заде адына халкъара мukяфатның лауреаты олгъан филология илимлери докторы, профессор Рамиз Аскер «Бекир Чобан-заденинъ бедиий эсерлери» адлы макъалесинде: «Биз Бекир Чобан-заденинъ азербайджан тилине уйгъунлаштырдыгъымыз 73 шииринде шаир «татар» сёзюни 99 кере, «юрт» сёзюни 56 кере, «Къырым» сёзюни 11 кере къулланғаны ортагъа чыкъты» [2], – деп яза.

Эбет, шаир озы шиирлеринде «татар» сёзюни миллетнинъ ады, татарлыкъ дюнъясының айырылмаз бир парчасы оларакъ анъгъан олса, Къырым сёзюни анджакъ ярымаданы, территорияны козъде тутуракъ къуллана. Дейик, 1926 сенеси шаир Ленинградда булуныш, о ерде «Балтыкъ ялысында» адлы шиирини яза. Бу шиирде шаир: «Узакътан коръдим къырымлы бир устудент/Гулер юзьмен эти эди гемиде субет», – деп яза. Бу ерде, табиий ки, «къырымлы» сёзю миллетнинъ адыны дегиль де, студентнинъ къайдан кельгенини косыттере.

Бекир Чобан-заде озюнинъ «Он дёрт джашымда» икяесинде: «Татарлыкъ къолай болса, татарларның джашавы тек татарларның котере биледжегиндай болмаса, бу къадар аз къалырмы эдик?..» [3], деп яза. Керчектен де, татарлыкъның такъдири къолай дегиль, асырлар девамында эзиет астында яшап, Къырымда бир къач миллиондан бир авуч къалдыкъ. Энди шу бир авучны биле базылар бильмедин я да биле-биле ёкъкъя чыкъармакъ, тарихтан сильмек, татарлыкътан вазгечирмек истейлер.

Сёзюмизни Бекир Чобан-заденинъ шу сёзлеринен өкюнлемек истеймиз:

Миллетлер къошусы башланды коптен,
Эр халкънынъ бар онда айгъыры, аты,
Тек факъыр татарнынъ эшитильмий сеси
Тек байгъуш татарнынъ джокъ тюльбер ады... [4]
Миллетлер къошусында атымызы да, адымызы да джоймайыкъ!

КЪУЛЛАНЫЛГЪАН ЭДЕБИЯТ

1. Чобан-заде Б. «Къавал сеслери»: шиирлер, икяелер, макъалелер. Будапешт, 1919–1920. 344 с. Арап уруф. Эльязма.
2. Asker R. Bekir Çobanzade'nin bedii eserleri. «Bekir Çobanzadə və türkologiyanın müasir problemləri» mövzusunda respublika elmi konfransının materialları. Bakı, 2013. 16 s.
3. Чобан-заде Б. Тынч татар чёлюнде...: шиирлер, икяелер. В тихой татарской степи: стихотворения, рассказы. Симферополь, 2023. 160 с.
4. Чобан-заде Б. Меним языларым... Акъмесджит: Тарпан, 2009. 252 с.

Муэллифлер акъкында маюмат:

Сейран Сулайман – филолог-турколог, Кырымда нам къазангъан журналист, «Янбы дюнья» газетасынынъ баш муаррихи, И. Гаспринский адына медиамеркез (295048, Трубаченко сокъагъы, 23а, Акъмесджит, Русие Федерациясы); seyran_suleyman@mail.ru

Айдер Эмиров – филолог, публицист, китапханеджи, И. Гаспринский адына джумхуриет къырымтатар қутюпханеси (295011, Самокиш сокъагъы, 8, Акъмесджит, Русие Федерациясы); ayderemir@mail.ru

Тема принадлежности к татарскому народу в творчестве Бекира Чобан-заде

Сейран Сулейманов

Газета «Янъы дюнъя» («Новый мир»)

Айдер Эмиров

Республиканская крымскотатарская библиотека

им. И. Гаспринского

Аннотация. Творчество выдающегося крымскотатарского поэта и ученого Бекира Чобан-заде всё больше и больше привлекает внимание исследователей. Большое значение в своем творчестве поэт уделял теме «татарлыкъ» – принадлежность к татарскому народу, данный этоним очень часто встречается в его стихотворениях, рассказах и статьях. Авторы доклада рассмотрели эту тему и привели некоторые примеры из литературного наследия Бекира Чобан-заде. Безусловно, творческое наследие Бекира Чобан-заде показывает, что отказ от своего этонима – это отказ от своей истории, такой шаг приведёт к полной деградации и исчезновению народа.

Ключевые слова: татары, крымские татары, нация.

Для цитирования: Сулейманов С.А., Эмиров А.Р. Бекир Чобан-заденинъ иджадында «Татарлыкъ» мевзузы [Тема принадлежности к татарскому народу в творчестве Бекира Чобан-заде] // Крымское историческое обозрение. 2024. Т. 11, № 2. С. 111–116. DOI: 10.22378/kio.2024.2.111-116

Сведения об авторах:

Сулейманов Сейран Акбаралиевич – филолог-турколог, главный редактор газеты «Янъы дюнъя» («Новый мир»), Медиацентр им. Исмаила Гаспринского (295048, ул. Трубаченко, 23А, Симферополь, Российская Федерация); seyran_suleyman@mail.ru

Эмиров Айдер Решатович – филолог, публицист, библиотекарь, Республиканская крымскотатарская библиотека им. И. Гаспринского (295011, ул. Самокиша, 8, Симферополь, Российская Федерация); ayderemir@mail.ru

The theme of belonging to the Tatar people in the works of Bekir Choban-zade

Seyran Suleymanov

Newspaper "Yeny Dunya" ("New World")

Ayder Emirov

I. Gasprinsky Republican Crimean Tatar Library

Abstract. The works of the outstanding Crimean Tatar poet and scholar Bekir Choban-zade are increasingly attracting the attention of researchers. The poet paid great attention to the theme of "Tatarlyk" in his works – belonging to the Tatar people, this ethnonym is very often found in his poems, stories and articles. The authors of the report examined this topic and gave some examples from the literary heritage of Bekir Choban-zade. Of course, the creative heritage of Bekir Choban-zade shows that the rejection of one's ethnonym is a rejection of one's history, such a step will lead to complete degradation and disappearance of the people.

Keywords: Tatars, Crimean Tatars, nationality.

For citation: Suleymanov S.A., Emirov A.R. The theme of belonging to the Tatar people in the works of Bekir Choban-zade. *Krymskoe istoricheskoe obozrenie=Crimean Historical Review*. 2024, vol. 11, no. 2, pp. 111–116. DOI: 10.22378/kio.2024.2.111-116 (In Crimean Tatar)

REFERENCES

1. Choban-zade B. "Pipe Tunes": poems, stories, articles. Budapest, 1919–1920. 344 p. Arabic script. Manuscript. (In Crimean Tatar).
2. Asker R. Bekir Choban-zade's Artistic Works. "Bekir Choban-zade and contemporary problems of Turkology" materials of Republican scientific conference. Baku, 2013. 16 p. (In Azerbaijan).
3. Choban-zade B. In Peaceful Tatar steppe... poems, stories. Simferopol, 2023. 160 p. (In Crimean Tatar).
4. Choban-zade B. My Posts... Simferopol: Tarpan Publishing house, 2009. 252 p. (In Crimean Tatar).

About the authors:

Seyran A. Suleymanov – philologist-turkologist, editor-in-chief of the newspaper "Yeny Dunya" ("New World"), Ismail Gasprinsky Media Center (23A, Trubachenko Str., Simferopol 295048, Russian Federation); seyran-suleyman@mail.ru

Ayder R. Emirov – philologist, publicist, librarian, I. Gasprinsky Republican Crimean Tatar library (8, Samokish Str., Simferopol 295011, Russian Federation); ayderemir@mail.ru